



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Iosephi Mariae Svaresii, Episcopi Vasionensis, Praenestes
Antiqvae Libri Dvo**

Suarès, Joseph Marie

Romae, 1655

Illvstriss[i]mo Et Excel[lissi]mo Maphaeo Barberino Principi Prænestes.
Ereti Dvci, Etc. ...

urn:nbn:de:hbz:466:1-11894

MO MO
ILLVSTRISS. ET EXCEL. PRINCIPI
MAPHAEO BARBERINO

PRINCIPI PRÆNESTES . ERETI
DVCI , ETC.

IOSEPHVS MARIA SVARESIVS

EPISCOPVS VASIONENSIS.

Felicitatem .



VI solet esse Dominis gratior ,
& acceptior , qui eorum è fun-
dis excerpitur fructus , ita con-
fido iucundiozem Excellentia
Tuæ , fore lucubratiunculam
istam meam , congestam super
Præneste : cui è ruinis resurgenti , & splendidius
instauratæ (Princeps Optime) felicissimè , atque
sapiantissimè dominaris ; Romanis verò ex le-
gibus solo cedit , quidquid superstruitur . Cum
igitur Excellentissimæ Familæ vestræ , sim ipse
deuotus exasse , deuinctusq; tot nominibus : cre-
uit enim etiam ingenium quam tulumcumque
meum in sacro comitatu & obsequio magni Ex-

† 2

cel-

cellentiæ Tuæ, Patruī Urbani VIII. Pontificis
Opt. Max. sanctissimæ, suauissimæque memo-
riæ, crescitque adhuc sub iussa Eminentissimi
Cardinalis Francisci Barberini, patruī Ve-
stri, Ecclesiæ, ac Christianæ Reipublicæ,
reique Litterariæ bono nati, quidquid hoc
est opellæ varijs è scriptoribus erutum, atque
collectum solo vestro superædificauī, totumque
offero libens meritò Excellentiæ Tuæ, & si-
cuti loquuntur Iurisperiti, repræsento. Insi-
tius est fructus, & Barberino nomini, iure
optimo debitus. Temporū iniuria, clades
bellicæ, rerumque vices mutant, & euertunt
omnia. Urbium, quæ floruerunt, & emicue-
runt, cadauera in parietinis lapsantibus, in ru-
dibus macerijs, & in dispersis ruderibus dispi-
cimur, passimque calcamus, de compluribus,
ecquis illis fuerit locus? exquiritur, neque, vel
tenuissima supersunt vestigia; verum hi, quos
Excellentiæ Vestræ nuncupo, libelli perstabunt
æternum. Præneste quater excidium passa,
nullum in hisce vniquam experietur, si fauens
tua gratia ipsos benignè, ac perhumaniter
excipias, si calculo suo comprobes, si deni-
que paludamenti sui sinibus foueas. Præne-
ste, inquam, in tanta sortium, quæ ipsi obti-
gere, varietate veteris Fortunæ à poetis confi-
ctæ, atque ab Ethnicis cultæ tutelam inuali-
dam

dam, immò perniciosam cum agnouerit, virtutibus Excellentiae Tuæ fausta, & prospera omnia se debere sentiet, atque grata profitebitur. In illis celebrandis excurrere animus erat, sed vetat, & coercet exultantem cognita, probeque mihi perspecta excelsi animi tui modestia: qua dotes eximias, quibus instructus, & cumulatus es, exprimere mauius rebus præclarè, fortiterque gestis, quam gaudeas illas iustis licet encomijs prædicari. Vereor præterea ne laudes, si recensere velim, ingenij culpa, penuriaque deteram, neue adulationis specie plenam venerationem imminuam; Habebo sanè quod imputem fauori, & gloriae, meque felicitatis ad apicem censeam prouectum, si nempe opusculum istud, cuius vestibulum memorabili Tuo nomine illustrare audeo, æqui bonique consulueris. Etenim sic pignus, & monimentum mei erga Excellentiam Tuam propensissimi; addictissimi que non ingratum Tibi ipsi fuisse intelligam, meque maiorum, & grauiorum operum molimini mox alacrius accingam.

IN-